

PULPA PRUNORUM.

℞. Fructuum Pruni domesticæ exemptis
nucleis quantum placet.

Coque in aqua donec mollescant ; dein
per cribrum setaceum trajectam pulpam ad
consistentiam debitam evapora addendo sin-
gulis pulpæ libris

Sacchari albi pulv. uncias duas.

ROOB.

Succi fructuum dulcium vel acidorum
expressione et subsequente evaporatione leni
igne inspissati, adjecta aut saporis gratia aut
ut melius præserventur parte quarta, quinta
aut sexta sacchari vel mellis.

ROOB ANTISYPHILITICUM.

Vide SYRUPUS SARSAPARILLÆ
COMPOSITUS.

ROOB BERBERUM.

℞. Baccarum Berberis vulgaris maturarum
quantum placet.

Conquassatæ in mortario stent per dies tres, tum exprime succum, et

Succi hujus defæcatione depurati libris quatuor

Adde

Sacchari albi libram unam.

Coque in vase stanneo leni igne ad mellis consistentiam.

Eodem modo paratur :

ROOB ex succo fructus Citri medicæ.

_____ Mori nigræ.

_____ Prunus-cerasi.

_____ Ribes nigri.

_____ rubri.

_____ Rubi idæi.

_____ Vaccinium-myrtilli.

_____ oxycocci.

_____ vitisidææ.

Usus horum omnium pro potu in morbis acutis.

ROOB CORTICIS NUCUM JUGLANDIS REGIÆ.

℞. Succī e drupa immatura Juglandis regiæ
expressi,

Mellis ana partes æquales.

Coque ad debitam consistentiam.

Usus : Morbi cutis rebelles ; ulcera oris
et faucium ex hydrargyro.

ROOB CYDONIORUM.

℞. Succī fructus Pyrus-Cydoniæ depurati
libras sex.

Sacchari albi libram unam.

Coque ad mellis consistentiam.

ROOB JUNIPERI.

℞. Baccarum Juniperi communis maturarum recentium libras octo.

Conquassatas coque in aqua communi donec mollescant ; dein per setaceum trajice et addita,

Sacchari albi libra una,

Lenigne ad consistentiam mellis evapora.

ROOB FRUCTUS ROSÆ CANINÆ.

℞. Pulpæ fructuum Rosæ caninæ maturarum libras tres.

Sacchari albi libras duas.

Leni igne ad consistentiam debitam evapora.

ROOB SAMBUCI.

℞. Succis e baccis Sambuci nigræ maturis expressi et defæcati libras sex.

Sacchari albi libram unam.

Coque leni igne in balneo aquæ ad debitam consistentiam.

VIRTUS : Leniter alvum et urinam movet.

SYRUP I.

A. SYRUP I EX SUCCIS VEGETABILIVM parati.

SYRUPUS ACIDI ACETICI.

SYN. *Syrupus aceti.*

℞. Acidi acetici diluti (seu Aceti albi vulgo venalis optimi) libras duas.